

Kaxalotea-zeroia

Beste izendapenak:

Cachalote común (ESP)
Cachalote común (GAL)
Cachalote (POR)
Sperm Whale (ENG)
Kaskelot (DAN)
Cachalot (FRA)
Pottwal (DEU)





Ezaugarriak

Zetazeo hortzdunen artean handiena da, 11 eta 18 metro bitarteko luzaerarekin. Arrak emeak baino handiagoak dira. Laukiluze itsurako buru handia dauka, alboetatik hestutua, bere aho txiki eta hestuak, beheko masailezurrean 18 - 25 hortz koniko duzka. Arnas-zuloa ezkerralderuntz alderatua eta oso aurreratua daukate. Isatsaren lobuloak zabalak eta hiruki-itsurakoak dira.

Emeak 7-10 urterekin heldutasun sexuala lortzen dute eta arrek 10-19 urterekin. Erdiketak udaberri garaian izaten dira, 18 hilabeteko haurdunaldia eta gero. Kumeak bi urte luzez hartzen du esnea. Erditze maiztasuna 4 et 6 urte bitartekoa da.

Egunero elikatzen da, 2500 metroko sakoneretan harrapatzen dituen zefalopodoez. Olagarroak eta arrain demersalak ere jaten ditu.

Ufada eta murgiltze-seriea



Ilustrazioa: © Tokio

Bakarka edo 10-15 aleko taldeetan bizi da, toki batzuetan talde handiagoak ere batzen dira. Ugalketa garaian dauden arrak bakarka bizi dira.

Artikoan ezezik, mundu osoko ur sakonetan zabaldua dago, fosa ozeanikoetan eta plataforma kontinentalen ertz sakonetan. Orokorrean, uda garaian poloetarantz hurbiltzen dira, eta negu garaian berriz ur epel edo tropikaletara.

Espezie honek, gehiegizko arrapaketa jasan zuen XIXgarren mendeko amerikar arrantzaleengandik, ondorioz munduko populazioak bortizki murriztu ziren. XXgarren mendean, ehizak eskala txikiagoan jarraipena izan zuen, Galizian, Azore uharteetan eta Madeiran bezala, 1985 ean debekatua izan zen arte. Gaur egun, jasaten duen mehatxu nagusia itsas trafikoa da.



Babes egoera

Habitat naturalak eta basa-landaredia eta fauna zaintzeari buruz Kontseiluak 1992ko maiatzaren 21ean emandako zuzentaraua, Europar Batasunaren, biodibertsitatearen babeserako Rio-ko goi bilerarekiko konpromezu gisa sortu zen (1992).

Zuzentarauaren babesean hartzen diren neurriak garrantzi komunitarioko habitat naturalak, eta landaredia eta fauna zaintzeko izango dira. Aipatutako helburua lortzeko Zuzentarau honek duen tresna nagusia Europa mailan bereziki babestu beharreko guneen Sare Ekologikoa da, "Natura 2000" izeneko.

II garren eranskinean aipatzen diren garrantzi komunitarioko animalia eta landareria espezieentzat eremu bereziak izendatu behar dira. Espezie hauen artean hainbat zetazeo espezie daude.

Arautegi honen trasposizioaren arabera, zuzenbide espainol eta autonomikoetan espezie honen babes maila "Ahula" dela kontuan hartuz, espeziearentzat Babes Egitarau bat ezartzera ezinbestekoa da.



Mehatxuak:

Espezie honek jasaten dituen mehatxuak honako hauek dira;

Arrantza mota ezberdinek eragiten dituzten heriotzak

Kutsadura kimikoa eta akustikoa

Habitataren suntsipena

Gehiegizko arrantza

Itsas trafikoaren eragina

Mehatxuen eta hauen ondorioen ikerketen arabera, espezie hauen bizi iraupena ziurtatzeko edo eta kontserbazio egoera aproposa mantentzeko, beharrezkoak dira aldaketak, bai mehatxuen behin behineko desagertzea edo hauen murrizketa.

Zetazeo espezieen kontserbaziorako proiektua

Zetazeo espezie babestuen Kontserbazio planak ezartzeko, espezie hauen ekobiologiari buruzko oinarritzko informazioa lortu beharra dago, hauen portaera eta jasaten dituzten mehatxuak ezagutu eta hauek babesteko beharrezkoak diren neurriak ezarri. Helburu hauekin garatu da **"Iparatlantikoko Mugaketa Itsastarreko Zetazeo espezie babestuentzako kontserbazio planen garapenerako oinarriak"** proiektua.

Proiektu honen helburua, Euskadi eta Galizia arteko eremu itsastarrean eta Estatu Espainoleko Eremu Ekonomiko Esklusiboan bizi diren zetazeoei buruzko informazioaren bilduma osoa egitea da. **Espezie hauek, Espainiako Espezie Mehatsuen Zerrendan eta 139/2011 Errege Dekretuan**, otsailaren 4koa, Espainiako Natura-Ondarearen eta Biodibertsitatearen Inbentarioa garatzeko dena, azaltzen dira.

Proiektu hau **CEMMA-INT** ek bultzatu du eta zetazeoei lan egiten duten **AMBAR, CEMMA, CEPESMA** eta **EIBE** elkarteekin garaturiko elkarlanari esker burutu da. Halaber europar hegoaldeko ikertzaile garrantzitsuenen laguntza ere jaso du.

Antolatzen dute:

CEMMA-INT
www.cemma.org
localcemma@arrakis.es

AMBAR
www.ambarcetaceos.com/

CEPESMA
www.cepesma.org

EIBE
www.eibeh.org



Kolaborazioarekin:



Diseinua eta maquetación-a: ASTROPENTA. Argazkiak: © CEMMA. Jatorrizko ideia © CEMMA-INT. Inprimatzen du: DEP. LEGAL:

Kaxalotea-zeroia

Physeter macrocephalus

